



KEMENTERIAN KESIHATAN MALAYSIA

ARAHAN AM MENTERI KESIHATAN

BILANGAN 2 TAHUN 2019

MENGIKUT PERUNTUKAN AKTA KEMUDAHAN DAN PERKHIDMATAN JAGAAN KESIHATAN SWASTA 1998 [AKTA 586]

PERMOHONAN MENYEDIAKAN *HEALTH SCREENING BOOTH* OLEH KLINIK PERUBATAN SWASTA (UMUM) YANG BERDAFTAR DI BAWAH AKTA 586

LATAR BELAKANG

1. Akta 586 dan peraturan-peraturannya mula dikuatkuasakan pada 1 Mei 2006. Objektif implementasi dan penguatkuasaan Akta 586, antara lain adalah untuk memastikan keselamatan pesakit dan kualiti jagaan kesihatan terpelihara.
2. Akta 586 adalah suatu Akta untuk mengadakan peruntukan bagi pengawalseliaan dan pengawalan kemudahan dan perkhidmatan jagaan kesihatan swasta, termasuklah penyediaan suatu *health screening booth*.
3. Aspek keselamatan dan kualiti jagaan kesihatan pesakit perlu dijadikan keutamaan dalam penyediaan apa juga jenis kemudahan atau perkhidmatan jagaan kesihatan, termasuklah penyediaan *health screening booth*.
4. Merujuk kepada Seksyen 2, Akta 586, suatu *health screening booth* boleh disifatkan sebagai sebuah klinik perubatan swasta, kerana meliputi tafsiran premis (sementara) selain kemudahan jagaan kesihatan Kerajaan, yang digunakan atau dimaksudkan untuk digunakan bagi amalan perubatan atas dasar pesakit luar termasuklah –

- 4.1. memeriksa, mendiagnosis, atau merawat mana-mana orang yang menghidap, atau dipercayai menghidap, apa-apa penyakit, kecederaan atau hilang upaya minda atau badan;
 - 4.2. perkhidmatan jagaan kesihatan pencegahan atau penggalakan; dan
 - 4.3. mengubati atau mengurangkan apa-apa keadaan luar biasa badan manusia dengan pemakaian apa-apa perkakas, kelengkapan, alat atau peranti.
5. Peruntukan bagi mengawal dan mengawalselia kemudahan dan perkhidmatan jagaan kesihatan swasta (KPJKS) termasuk mengenai keperluan pendaftaran bagi klinik swasta di bawah Akta 586 adalah seperti berikut:
 - 5.1. **Subseksyen 4(1), Akta 586**, tiada seorang pun boleh menubuhkan, menyenggarakan, mengendalikan atau menyediakan suatu klinik perubatan swasta atau klinik pergigian swasta melainkan jika klinik itu didaftarkan di bawah seksyen 27, akta yang sama; dan
 - 5.2. **Seksyen 5, Akta 586**, seseorang yang melanggar Seksyen 3 dan 4 adalah melakukan suatu kesalahan dan apabila disabitkan boleh didenda atau dipenjara atau kedua-duanya sekali seperti yang dinyatakan di bawah peruntukan tersebut.
6. Bagi *health screening booth* yang disediakan oleh mana-mana klinik perubatan swasta yang berdaftar di bawah Akta 586, **Perenggan 30(d), Akta 586** menetapkan klinik perubatan swasta yang tidak dihubungkan secara fizikal tetapi dihubungkan secara organisasi atau pentadbiran dengan suatu klinik perubatan swasta berdaftar atau dengan suatu KPJKS berlesen adalah dikehendaki **didaftarkan secara berasingan**.
7. Walau bagaimanapun, *health screening booth* yang disediakan oleh **klinik perubatan swasta (umum)** yang berdaftar di bawah Akta 586 dan **mematuhi syarat** yang disenaraikan dalam Arahan ini, boleh dikecualikan daripada keperluan mendapatkan pendaftaran yang berasingan daripada klinik perubatan swasta (umum) yang berkenaan.

TUJUAN

8. Arahan ini dikeluarkan bagi menyenaraikan terma dan syarat yang perlu dipatuhi sebelum suatu *health screening booth* boleh diberikan pengecualian daripada keperluan mendapatkan pendaftaran berasingan daripada klinik perubatan swasta (umum) yang menyediakan *health screening booth* tersebut.
9. Syarat yang dikenakan adalah bertujuan untuk memastikan penyediaan suatu *health screening booth* tidak mendatangkan apa-apa bahaya kepada kesihatan orang awam, atau tidak akan dikendalikan mengikut cara yang memudaratakan kepentingan kesihatan awam.
10. Arahan ini ditujukan kepada Ketua Pengarah Kesihatan (KPK) dan mana-mana pegawai yang dilantik di bawah Akta 586 termasuk Timbalan Ketua Pengarah Kesihatan (Perubatan), Pengarah Amalan Perubatan dan pegawai-pegawai Cawangan Kawalan Amalan Perubatan Swasta (CKAPS) bagi urusan memproses Permohonan Menyediakan *Health Screening Booth* Oleh Klinik Perubatan Swasta Yang Berdaftar Di Bawah Akta 586.
11. Arahan ini juga boleh dijadikan rujukan kepada Pemegang Perakuan Pendaftaran bagi klinik perubatan swasta (umum) berdaftar yang berhasrat untuk menyediakan *health screening booth* supaya dapat mengemukakan permohonan yang mengikut piawaian dan keperluan yang ditetapkan oleh Kementerian Kesihatan Malaysia (KKM) dalam memastikan keselamatan dan kualiti jagaan kesihatan pesakit.

TAFSIRAN

12. Merujuk Seksyen 2, Akta 586 “perkhidmatan jagaan kesihatan swasta” ertiya apa-apa perkhidmatan yang disediakan oleh kemudahan jagaan kesihatan swasta.
13. Dari segi administratif, “*Health Screening Booth*” merujuk kepada mana-mana premis sementara yang digunakan hanya untuk tujuan saringan kesihatan pesakit.

SUMBER KUASA

14. Arahan ini disediakan selaras dengan peruntukan Akta 586 seperti berikut:
 - 14.1. **Seksyen 102, Akta 586** memberi kuasa kepada Yang Berhormat Menteri Kesihatan untuk memberi Ketua Pengarah atau mana-mana pegawai yang dilantik di bawah Akta 586, arahan-arahan am yang konsisten dengan peruntukan Akta 586 tentang penjalanan kuasa dan budi bicara yang diberikan kepada dan kewajipan yang dikehendaki ditunaikan oleh Ketua Pengarah atau pegawai di bawah Akta ini; dan
 - 14.2. **Seksyen 103, Akta 586** memberi kuasa kepada Yang Berhormat Menteri Kesihatan untuk mengecualikan mana-mana atau mana-mana bahagian KPJKS yang dileSENkan atau didaftarkan di bawah Akta ini daripada kuat kuasa mana-mana peruntukan Akta 586 –
 - (a) tertakluk kepada apa-apa sekatan atau syarat sebagaimana yang dinyatakan oleh Yang Berhormat Menteri Kesihatan, selepas berunding dengan Ketua Pengarah; dan
 - (b) jika dia berpuas hati bahawa kemudahan jagaan kesihatan swasta itu **tidak mendatangkan apa-apa bahaya kepada kesihatan orang awam, atau tidak akan dikendalikan mengikut cara yang memudaratkAN kepentingan kesihatan awam.**

PEMAKAIAN

15. Arahan ini adalah terpakai kepada mana-mana pegawai CKAPS yang terlibat dalam mana-mana peringkat proses Permohonan Menyediakan *Health Screening Booth* Oleh Klinik Perubatan Swasta Yang Berdaftar Di Bawah Akta 586.
16. Arahan ini juga hanya terpakai bagi *health screening booth* yang disediakan oleh klinik perubatan swasta (umum) yang berdaftar di bawah Akta 586.

TERMA DAN SYARAT BAGI *HEALTH SCREENING BOOTH* YANG BOLEH DIBERIKAN PENGECAULIAN DARIPADA KEPERLUAN MENDAPATKAN PENDAFTARAN BERASINGAN


17. *Health screening booth* yang boleh diberikan pengecaulian daripada keperluan mendapatkan pendaftaran yang berasingan daripada **klinik perubatan swasta (umum)** adalah *health screening booth* yang disediakan oleh klinik perubatan swasta (umum) yang berdaftar di bawah Akta 586.
18. Pemohon yang berkaitan perlu mengemukakan permohonan menyediakan *health screening booth* dengan butiran yang lengkap dan mematuhi (seperti di Lampiran).
19. Permohonan yang lengkap dan mematuhi keperluan di bawah Arahan ini hendaklah dikemukakan kepada Pengarah Amalan Perubatan, KKM selewat-lewatnya **empat (4) minggu** sebelum tarikh *health screening booth* disediakan.
20. Pesakit bagi *health screening booth* tersebut adalah disifatkan sebagai pesakit bagi klinik perubatan swasta (umum) yang menyediakan *health screening booth* tersebut.

PEMATUHAN

21. Pemohon (Pemegang Perakuan Pendaftaran bagi klinik perubatan swasta (umum) yang berdaftar dibawah Akta 586) yang mematuhi sepenuhnya syarat yang dinyatakan di dalam Arahan ini boleh diberikan surat tiada halangan untuk menyediakan suatu *health screening booth*.
22. Pengecaulian bagi *health screening booth* mendapatkan pendaftaran berasingan daripada klinik perubatan swasta (umum) yang berkenaan disifatkan sah laku untuk suatu tempoh yang **tidak melebihi enam (6) bulan** dari tarikh surat tiada halangan tersebut.

TARIKH KUAT KUASA

23. Arahan ini berkuat kuasa serta merta mengikut tarikh arahan.



Datuk Seri Dr. Dzulkefly Ahmad
Menteri Kesihatan Malaysia
Tarikh: 29 JULAI 2019



KEMENTERIAN KESIHATAN MALAYSIA

**BORANG PERMOHONAN MENYEDIAKAN *HEALTH SCREENING BOOTH* OLEH
KLINIK PERUBATAN SWASTA (UMUM) YANG BERDAFTAR DI BAWAH AKTA
KEMUDAHAN DAN PERKHIDMATAN JAGAAN KESIHATAN SWASTA 1998
[AKTA 586]**

PERHATIAN:

1. Setiap pemohon perlu mengisi sesalinan Borang Permohonan Menyediakan *Health Screening Booth* Oleh Klinik Perubatan Swasta (Umum) Yang Berdaftar Di Bawah Akta Kemudahan Dan Perkhidmatan Jagaan Kesihsatan Swasta 1998 [Akta 586] dengan lengkap.
2. Borang permohonan hendaklah dikemukakan kepada Pengarah Amalan Perubatan, Kementerian Kesihatan Malaysia selewat-lewatnya empat (4) minggu sebelum tarikh aktiviti *health screening booth* disediakan.

**A. BUTIR-BUTIR KLINIK PERUBATAN SWASTA (UMUM) YANG AKAN MENYEDIAKAN
*HEALTH SCREENING BOOTH***

1.	Nama klinik	:	
2.	Alamat klinik	:	
3.	Nombor pendaftaran klinik	:	

**B. BUTIR-BUTIR ORANG YANG BERTANGGUNGJAWAB (OYB) / PERSON IN CHARGE
(P/I/C) BAGI *HEALTH SCREENING BOOTH* (SEKIRANYA PEMOHON BUKAN
MERUPAKAN OYB/P/I/C)**

1.	Nama OYB	:	
2.	Nombor Kad Pengenalan OYB	:	
3.	Kelayakan OYB	:	
4.	Nombor Pendaftaran Penuh (Majlis Perubatan Malaysia) OYB	:	

LAMPIRAN

5.	Nombor Perakuan Amalan Tahunan (Majlis Perubatan Malaysia) yang terkini dan sah laku	:	
----	--	---	--

C. MAKLUMAT ORANG YANG AKAN DIAMBIL KERJA ATAU DIGUNA KHIDMAT BAGI MENYEDIAKAN AKTIVITI *HEALTH SCREENING BOOTH*

Bil.	Nama	No. Kad Pengenalan	Kelayakan profesional	No. Perakuan Pendaftaran Penuh	No. Perakuan Amalan Tahunan (APC) terkini dan sah laku
1.					
2.					
3.					
4.					
5.					
6.					
7.					
8.					
9.					
10.					

Bagi penjawat awam, pastikan telah mendapat surat kebenaran Ketua Jabatan (*tidak perlu dikemukakan*). Gunakan lampiran tambahan jika perlu.

D. MAKLUMAT BERKENAAN PENGANJURAN PROGRAM DI MANA *HEALTH SCREENING BOOTH* AKAN DISEDIAKAN

1.	Nama program	:	
2.	Alamat lengkap lokasi Program*	:	
3.	Penganjur program	:	

Nota: *Lokasi *health screening booth* hendaklah *di dalam negeri yang sama* di mana klinik perubatan swasta (*umum*) tersebut didaftarkan

LAMPIRAN

Saya, dengan ini mengakui bahawa maklumat dan kenyataan yang saya berikan adalah benar dan saya mengaku janji untuk mematuhi –

- (a) semua keperluan termasuk pengurusan rekod perubatan pesakit, pengurusan sisa klinikal, pengurusan kecemasan perubatan dan sebagainya mengikut ketetapan **Akta 586** (serta peraturan-peraturan dan garis panduannya);
- (b) **Code of Professional Conduct** dan **Garis Panduan Etika profesional jagaan kesihatan** yang berkenaan; dan
- (c) **Good Medical Practice Guideline** yang berkaitan.

Sekiranya kenyataan yang saya berikan adalah palsu dan mengelirukan, pihak KKM berhak mengambil tindakan lanjut mengikut peruntukan undang-undang yang terpakai. Saya dan semua profesional dan para-profesional perubatan yang terlibat adalah bertanggungjawab sepenuhnya dari segi undang-undang termasuk implikasi mediko legal dalam pengendalian program tersebut, yang melibatkan kemudahan dan perkhidmatan jagaan kesihatan yang disediakan.

Disediakan oleh Pemegang Perakuan Pendaftaran:

Tandatangan :
Nama :
No. Kad Pengenalan :
Tarikh :
Cop :

Borang permohonan hendaklah dikemukakan kepada:

**Pengarah Amalan Perubatan
Kementerian Kesihatan Malaysia
Aras 7, Blok E1, Kompleks E
Pusat Pentadbiran Kerajaan Persekutuan
62590 PUTRAJAYA**
(U.P: CAWANGAN KAWALAN AMALAN PERUBATAN SWASTA)
No Faks: 03-8881 0901/0902
Alamat emel: ckaps@moh.gov.my